

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
OPĆINA FOJNICA
OPĆINSKI NAČELNIK

Broj: 02-11-444-5/24
Fojnica: 12.04.2024.

Na osnovu člana 64. stav (1). tačka a), člana 70. stav 1. 3. i 6. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Fojnica Prečišćeni tekst („Službene novine Općine Fojnica“, broj: 02/15), a u vezi s preporukom Komisije za javne nabavke broj: 02-11-444-4/24 od 08.04.2024. godine, Općinski načelnik **d o n o s i**:

O D L U K U
o izboru najpovoljnijeg ponuđača

Član 1.

Prihvata se Preporuka Komisije za javne nabavke broj: 02-11-444-4/24 od 08.04.2024. godine i Ugovor za javnu nabavku: „Održavanje, sanacija, rekonstrukcija i asfaltiranje lokalnih i gradskih ulica“ dodjeljuje se izabranom ponuđaču Grupa ponuđača „TWI“ d.o.o. Kiseljak i „Bucomerc“ d.o.o. Kiseljak, ponuda broj: 04-04/24, od 05.04.2024. godine za ponuđenu cijenu od 739.773,00 KM, bez PDV-a, odnosno 865.534,41 KM sa PDV-om, kao najbolje ocjenjenom ponuđaču.

Član 2.

- (1) Prijedlog Okvirnog sporazuma dostavit će se na potpis izabranom ponuđaču po isteku roka od 15 (petnaest) dana, računajući od dana kada su ponuđači obaviješteni o izboru najpovoljnije ponude.
- (2) Izabrani ponuđač je dužan dostaviti dokaze o kvalificiranosti u roku od 5 (pet) dana nakon što svi ponuđači budu obaviješteni od strane ugovornog organa o rezultatima postupka nabavke.

Član 3.

Ova odluka objavit će se na web-stranici Općine Fojnica, www.fojnica.ba, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 4.

Ova Odluka stupa na snagu danom donošenja.

Obrazloženje

Postupak javne nabavke:

Održavanje, sanacija, rekonstrukcija i asfaltiranje lokalnih i gradskih ulica proveden je putem Otvorenog postupka javne nabavke za dostavu ponuda broj: 02-11-444/24, od 11.03.2024. godine Obavijest o javnoj nabavci broj: 546-1-3-11-3-11/24 objavljena je na Portalu javnih nabavki 15.03.2024. godine sa Tenderskom dokumentacijom.

Komisija za javne nabavke Općine Fojnica imenovana Rješenjem općinskog načelnika broj: 02-11-444-1/24 od 11.03.2024. godine po otvaranju ponuda 05.04. 2024 godine, dana 08.04. 2024 godine izvršila je pregled i ocjenu ponuda i dostavila Općinskom načelniku Zapisnik o pregledu i ocjeni ponuda broj: 02-11-444-4/24 sa preporukom o izboru najpovoljnijeg ponuđača za nabavku radova:

„Održavanje, sanacija, rekonstrukcija i asfaltiranje lokalnih i gradskih ulica“.

U postupku po dostavljanju Zapisnika konstatovano je da je Komisija za javne nabavke blagovremeno i ispravno izvršila javno otvaranje ponuda i ocjenu prispjelih ponuda, u kojima je utvrđeno sljedeće:

- da je ukupan broj pristiglih ponuda 3 (tri)
- da je blagovremeno zaprimljeno 3 (tri) ponude
- ponude tri ponuđača dostavljene su na propisan način, original i jedna kopija, uvezane, numerisane u skladu sa zahtjevima iz TD.
- Ponuda Grupe ponuđača: „Azekop“ d.o.o. Kiseljak i „Demus“ d.o.o. Sarajevo je odbačena iz razloga što su ponuđači, u svrhu dokazivanja ekonomske i finansijske sposobnosti bili dužni dostaviti:

- a) Izjavu popunjenu i ovjerenu od strane ponuđača, a koja je sastavni dio TD i obične kopije Izvještaja o svim računima ponuđača izdate od Centralne banke BiH i obične kopije potvrda izdatih od poslovne banke gdje je račun otvoren, kojima se dokazuje da račun u zadnjih 12 mjeseci nije bio blokiran. Član grupe „Demus“ d.o.o. Sarajevo je, uz popunjenu i ovjerenu izjavu o ispunjenosti uvjeta iz člana 47. ZJN BiH dostavio Izvještaj o računima izdatog od Centralne banke BiH kojim je dokazao da ima 8 (osam) otvorenih aktivnih računa kod komercijalnih banaka u BiH, a samo je od jedne banke dostavio potvrdu o solventnosti.

U skladu sa članom 68. stav (4) tačka i) ZJN BiH ponuda Grupe ponuđača: „Azekop“ d.o.o. Kiseljak i „Demus“ d.o.o. Sarajevo nije potpuna i ne ispunjava zahtjeve iz Tenderske dokumentacije.

Ponude ponuđača: Grupa ponuđača TWI d.o.o. Kiseljak i Bucomerc d.o.o. Kiseljak i ponuda ponuđača „Ceste Company“ d.o.o. Kiseljak su prihvatljive za ugovorni organ i iste su dostavljene u skladu sa zahtjevima iz TD.

Na osnovu kriterija „Ekonomske najpovoljnija ponuda Komisija je izvršila analizu prihvatljivih ponuda prema kriteriju za izbor sa sljedećim podkriterijima:

- | | |
|--------------------------------|-------------------|
| 1. Podkriterij ponuđena cijena | broj bodova: 80 % |
| 2. Podkriterij rok plaćanja | broj bodova: 20 % |

Naziv ime ponuđača	Podkriterij cijena – broj bodova	Podkriterij rok plaćanja–broj bodova
Grupa ponuđača TWI d.o.o. Kiseljak i Bucomerc d.o.o. Kiseljak	Cijena: 865.534,41 KM 80 bodova	Rok plaćanja: 90 dana 20 bodova
Ceste Company d.o.o. Kiseljak	Cijena 1.032.612,75 KM 67,06 bodova	Rok plaćanja 30 dana 6,67 bodova

Na osnovu ponuđene cijene i roka plaćanja Komisija je izvršila rangiranje prihvatljivih ponuda prema kriterijima za izbor

- 1. Grupa ponuđača TWI d.o.o. Kiseljak i Bucomerc d.o.o. Kiseljak 100,00 bodova**
- 2. Ceste Company d.o.o. Kiseljak 73,73 boda.**

U postupku ocjene provedenog postupka, Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

U postupku je ocijenjeno, da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i Tenderskom dokumentacijom.

Iz navedenih razloga, primjenom člana 64. stav (1) tačka a) Zakona o javnim nabavkama BiH, odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi BiH putem Ugovornog organa u pisanoj formi u roku od 10 dana od prijema ove Odluke. Naknada za žalbu je propisana članom 108. Zakona o javnim nabavkama BiH. Žalba se podnosi u dovoljnom broju primjeraka, koji ne može biti manji od tri.

DOSTAVITI:
- Ponuđačima,
- a/a.

OPĆINSKI NAČELNIK
Sabahudin Klisura mr.

